

## **Pol ndê bapia tẽn lau Kolosi-nga Yom whê bapia dindéc sa-nga**

Malac Kolosi yêc gameŋ Esia-nga, magoc Pol dau in gêm mêtê yêc malac Kolosi dom. Tẽn ndoc in gêm mêtê mbo malac Epesas, nanŋ ngac Kolosi-nga danŋ ñaê Epapras ngô ma kênŋ whiŋ, ma tiŋambu Epapras mbu gi hoc ñawaê ñayham asê yêc ndê malachu Kolosi (1:7; 4:12), ma lau ñatô sic hu sêkênŋ whiŋ Yisu. Tiŋambu Epapras ndöc gapocwalô whiŋ Pol (Pilemon 23), ma gic miŋ tẽn Pol pi lau sêkênŋ whiŋ-nga yêc malac Kolosi.

Pol to bapia dindéc ma sôm tẽn lau Kolosi-nga bu in gêm danŋe Anötö tu ñac si sêkênŋ whiŋ-nga, ma inŋ tôle lônŋ ñayham daêsam tẽn lau sêkênŋ whiŋ-nga tu sênkuc-nga. Ma inŋ to yom ñatô bu whê lau Kolosi si gauc sa pi yom ñandô. Nahu bu lau ñatô sênŋsônŋ ñac pi lau nom-nga si lônŋ ñatô (2:4, 8, 16-23), ma ñac sêtoc Kilisi sa ñapep dom, ma bocdinanŋ inŋ tôle asê bu Anötö kênŋ gênŋ honŋ sêsôc Kilisi ñapu (1:15-20; 2:9-15).

### *Pol gic hu ndê bapia*

<sup>1</sup> Aô Pol, nanŋ gati Yisu Kilisi ndê aposel kêtuc Anötö ndê atac whiŋ, lu yac neŋ asidôwa Timoti ato bapia dindéc. <sup>2</sup> Ato tẽn mac asidôwai nanŋ andöc malac atu Kolosi, mac lau dabunŋ nanŋ akênŋ

whiŋ Kilisi. Mwasin ti yom malô akêŋ Daman Anötö têt mac.

*Pol teŋ mbec tu lau Kolosi-ŋga*

<sup>3</sup> Tôm bêc hoŋ yac atet mbec têt Anötö, yac neŋ Pômdau Yisu Kilisi Damba, ma am danŋe in tu mac-ŋga. <sup>4</sup> Nahu bu yac aŋgô ŋawaê bu mac akêŋ whiŋ Yisu Kilisi ŋaŋga, ma atac whiŋ Anötö ndê lau dabuŋ hoŋ. <sup>5</sup> Mac nem akêŋ whiŋ ti atac whiŋ nahu sip mwasin atu naŋ mac akêŋ batam ambo, naŋ Anötö po sa gwanan tu mac-ŋga yêc undambê. Yom pi gêt dau mac aŋgô muŋ su, têt ndoc sêhoc yom ŋandô ŋawaê ŋayham-ŋga asê têt mac. <sup>6</sup> Nawaê ŋayham dau têt mac meŋ, ma mac aŋgô ti anyalê yom ŋandô pi Anötö ndê mwasin atu. Têt ndoc mac aŋgô tiwakuc e meŋ têt kwahic dec, naŋ ŋawaê ŋayham dau gêm ŋandô ma tiapa yêc mac nem gameŋ. Ma ŋalêŋ tigeŋ in gêm ŋandô ma tiapa ma gêm gameŋ naŋ lau Rom-ŋga sem gôlin, naŋ ahuc. <sup>7</sup> Nawaê dau Epapras kêdôhôn têt mac. In yac neŋ ŋgac atac whiŋ-ŋga naŋ gêm gwelen whiŋ yac, ma ŋgac akiŋ ŋandô naŋ gêm akiŋ Kilisi tu mac-ŋga. <sup>8</sup> Ma in gic miŋ têt yac pi mac nem lêŋ atac whiŋ asidôwai-ŋga naŋ Nalau Dabuŋ kêt têt mac.

<sup>9</sup> Tu dinaŋ-ŋga têt bêc ŋamata-ŋga naŋ yac aŋgô mac nem ŋawaê e meŋ têt kwahic dec, naŋ yac atet mbec tu mac-ŋga ŋapan. Yac andac Anötö bu kêt gauc têt mac e anyalê Nalau Dabuŋ ndê lêŋ tidôn. Ma ŋalêŋ dinaŋ mac oc anyalê lêŋ naŋ Anötö tac whiŋ bu yac dasa-ŋga, naŋ ŋapep eŋ. <sup>10</sup> Yac atet mbec bu mac asa nem lêŋ gitêt, bu tôc asê bu mac ati Pômdau ndê

lau, ma in̄ oc lic mac nem lēn hoŋ ndic in̄ tandô ŋayham. Yac aten̄ mbec bu mac nem akēn̄ whin̄ oc nem ŋandô ŋayham yêc gwelen̄ hoŋ naŋ mac akôm, ma bu mac nem gauc aŋyalê Anötö-ŋga êŋsôwec tiatu. <sup>11</sup> Anötö ndê ŋaclai ti ŋawasi atu kēn̄ ŋaŋga tēn̄ mac bu akôm gēn̄ hoŋ, ma ŋawapac bu tap mac sa, dec mac atôm bu alhac ŋaŋga ma ahôc ti atac pa su. Ma ambo ti atac ŋayham, <sup>12</sup> ma anem dan̄ge Daman̄ Anötö, naŋ gic dabin̄ mac e atôm bu awêkain̄ in̄ ndê gamen̄ ŋawê-ŋga awhin̄ in̄ ndê lau dabun̄ hoŋ. <sup>13</sup> In̄ kēgaho yac su yêc ŋaclai ŋasec-ŋga, ma kēn̄ yac dambo in̄ ndê Atu naŋ in̄ atac whin̄ ŋandô, naŋ ndê gôlin̄ ŋapu. <sup>14</sup> Ma Anötö kēmwasin̄ yac, dec gēmlihi yac ti kēgapwêc yac su yêc sakin̄ mêtê sac-ŋga, ma suc yac neŋ sac kwi. Ma datap mwasiŋ atu dau sa yêc in̄ ndê Atu dau.

### *Kilisi ti ndê gwelen̄*

<sup>15</sup> Lau dan̄ sêlic Anötö dom, magoc in̄ Atu Kilisi gēm in̄ aŋgô ma tôc in̄ asê tēn̄ yac. In̄ tin̄amata gēn̄ hoŋ naŋ Anötö kēn̄. <sup>16</sup> Bu gēn̄ undambê-ŋga ti gēn̄ nom-ŋga hoŋ naŋ Anötö kēn̄, naŋ kēn̄ ŋa Kilisi. Gēn̄ naŋ dalic ŋa tanôn̄, ma gēn̄ naŋ tôm dom bu dalic ŋa tanôn̄, gitôm aŋela me ŋalau me gôlin̄ ma ŋaclai tidau-tidau, gēn̄ hoŋ dinan̄ Anötö kēn̄ ŋa Kilisi ma kēn̄ tu Kilisi-ŋga. <sup>17</sup> In̄ tin̄amata gēn̄ hoŋ, ma gēn̄ hoŋ si ŋahu sêmbo-ŋga yêc in̄. <sup>18</sup> Ma in̄ gēm gôlin̄ gôlôwac dabun̄. In̄ ti ŋagôlôn̄, ma gôlôwac dabun̄ sêti in̄ ndê ŋandô. Ma in̄ muŋ gôlôwac dabun̄ bu ti ŋgac ŋamata-ŋga bu tisa akēn̄ lau batê-ŋga. Ma bocdinan̄ gēn̄ dan̄ hôc gêlêc in̄ su dom. <sup>19</sup> Bu Anötö gêlic

ņayham bu kēņ dau sambuc sip Atuņgac ņalôm ma mbo whiņ iņ. <sup>20</sup> Ma iņ kēkiņ Atu dau sip nom meņ bu hē wamba ņamalac ma gēņ nom-ņga ti gēņ undambê-ņga hoņ tēņ Anötö. Ma kwahic dec ņamalac sêtôm bu sêmbo Anötö aņgô-ņga ti yom malô, tu Atuņgac ndê dac naņ kēc siņ pi a gicso-ņga.

<sup>21</sup> Muņ-ņga, mac ambo ahê tēņ Anötö. Mac ambo atôm iņ ndê ņacyo tu gauc ti mêtê sac-sac naņ yêc mac-ņga. <sup>22</sup> Magoc iņ dau kêmasaņ lēņ bu Kilisi sip nom meņ ti ņamalac ma mbac ndu, tu bu hē wamba mac tēņ Anötö tiyham. Ma iņ tac whiņ bu kēņ mac alhac iņ aņgô-ņga atôm lau dabuņ naņ nem giso ti yom mbasi. <sup>23</sup> Mac bu alhac ti akēņ whiņ ņaņga ma akēņ batam Anötö ndê mwasiņ naņ ņawaê ņayham tôte tēņ mac, ma ahu siņ dom, dec mac oc atap mwasiņ dau sa. Țawaê ņayham dau mac aņgô su, ma sêhoc asê yêc gameņ hoņ naņ yêc lau Rom si gôliņ ņapu, naņ bocdinaņ. Ma aö Pol gati ņgac akiņ ņawaê ņayham dau-ņga.

*Pol whê ndê gwelen ņawaê ņayham-ņga sa*

<sup>24</sup> Țandê bocke naņ aö gahôc tu wapuc mac nem akēņ whiņ dôn-ņga, naņ gahôc ti atac ņayham eņ. Ma aö kayalê bu aö gac waê bu wahôc ņandê ņapaņ, tu gwelen naņ aö gakôm tu bu wapo Kilisi ndê ņandô, naņ gôlôwac dabuņ sa-ņga. M agoc aö oc wahôc e wandic dabiņ gēņ hoņ naņ Kilisi kêyaliņ sa bu wahôc. <sup>25</sup> Aö gakôm gwelen gam akiņ gôlôwac dabuņ, kakuc lēņ naņ Anötö dau kêmasaņ dec kêyaliņ aö sa tu mac-ņga, ma kēkiņ aö bu wahoc ņawaê ņayham asê

e Anötö ndê yom tiapa yêc gameŋ hoŋ. <sup>26</sup> Têŋ ŋamata-ŋga e meŋ, yom pi Anötö ndê lêŋ nem lau si-ŋga, naŋ ŋahu yêc siŋ dau têŋ lau nom-ŋga. Magoc kwahic dec iŋ tôte asê tiawê têŋ iŋ ndê lau dabuŋ. <sup>27</sup> Iŋ tac whiŋ bu lau dabuŋ sêŋyalê yom naŋ muŋ-ŋga yêc siŋ dau, naŋ bocdec bu. Iŋ bu êmwasiŋ mac †lau gameŋ apa-ŋga bu atap iŋ ndê ŋawasi atu sa, dec kêŋ Kilisi sip nem ŋalôm. Ma gêŋ dinaŋ ti mac nem ŋahu akêŋ Batam bu atap iŋ ndê ŋawasi sa-ŋga.

<sup>28</sup> Yac ahoc Kilisi ndê ŋawaê ŋayham asê, ma Anötö kêŋ gauc ŋayham têŋ yac bu akêŋ puc ti andôhôn lau sêkêŋ whiŋ-ŋga hoŋ. Ma yac akôm bocdinaŋ tu bu andic dabiŋ ŋac hoŋ e akêŋ ŋac sêlhac Anötö aŋgô-ŋga sêtôm lau gwalam akwa sêkêŋ whiŋ Kilisi-ŋga. <sup>29</sup> Ma aô gakôm gwelen ti gahôc ŋandê atu, tu bu wakôm gêŋ dau ŋandô sa-ŋga, ŋa Kilisi dau ndê ŋaclai naŋ gêm gwelen ŋaŋga yêc aô neŋ ŋalôm.

## 2

<sup>1</sup> Aô gawhê neŋ gwelen sa têŋ mac, ŋahu bu aô atac whiŋ bu mac aŋyalê bu aô gayêm dauŋ su ŋandô tu mac-ŋga, ma tu lau Laodisia-ŋga, ma tu lau sêkêŋ whiŋ-ŋga hoŋ naŋ sêlic aô aŋôn dom-ŋga, naŋ bocdinaŋ. <sup>2</sup> Aô tac whiŋ bu mêtê atac whiŋ-ŋga piŋ mac hoŋ dôŋ, ma puc mac dôŋ bu alhac ŋaŋga. Ma yom pi Anötö ndê lêŋ nem lau si-ŋga naŋ muŋ-ŋga yêc siŋ dau, naŋ aô tac whiŋ bu mac aŋyalê tidôn andô, e kôm mac alhac ti akêŋ whiŋ ŋaŋga eŋ. Yom dau hêganôn Kilisi. <sup>3</sup> Bu yom ti gauc naŋ atu andô ma tôm

bu êmwasiñ yac-nga, nañ Anötö gêm ahuc yêc in-nga.

<sup>4</sup> Aö gawhê yom hoñ dinañ sa têt mac, ñahu bu aö gatec bu lau ñatô sêmbac yom mac ma sêñsau mac. <sup>5</sup> Bu aö dauñ gambo gawhiñ mac dom, tigen yêc aneñ ñalôm aö gauc gêm mac ñapañ. Ma aö atac ñayham atu, bu kayalê bu mac akêñ whiñ Kilisi ñaŋga, ma asa nem lêt hoñ ñapep.

*Dasa neñ lêt tiwakuc tu Kilisi-nga*

<sup>6</sup> Mac akôc Yisu Kilisi sa su ti mac nem Pômdau, dec akêñ in tĩñamata nem lêt hoñ.

<sup>7</sup> Akôc ñaŋga yêc in tôm a nañ ñawakac gacgen sip nom ñalôm gi. Ma in ndê ñaclai po mac nem akêñ whiñ sa bu alhac ñaŋga, alhac yom ñandô nañ sêndôhôn têt mac, nañ ñahô. Ma yom anem danje Anötö-nga nem mac ahuc tôm bêc hoñ. <sup>8</sup> Ayob daôm ñapep bu lau tasan si yom ñambwa-ñambwa êñsôn mac nem gauc ma êñgaho mac su yêc yom ñandô e ati lau gapocwalô-nga lec dom. Nac si yom dau ñahu kêkuc abunğaci si lêt ti mêtê nom-nga ñambwa, ma meñ akêñ Kilisi ndê dom.

<sup>9</sup> Bu Anötö kêt dau sambuc sip Kilisi ñalôm, ma meñ mbo nom gitôm ñamalac. <sup>10</sup> Kilisi dau in gôliñ ti ñaclai hoñ ñadau. Ma tu mac nem akêñ whiñ piñ mac dôn am damiñ in-nga, dec Anötö ndê mwasiñ gêm mac ahuc. <sup>11</sup> Kilisi kôm lau Israel-nga si ðpwac sêsê ñamlic ñatô su-nga ñandô sa pi mac lau nañ ati in ndê. Gêt dau hóc asê kêkuc ñamalac si lêt sêsê ñamlic-nga dom, magoc Kilisi dau kôm gwelen yêc mac nem ñalôm gitôm in sê mac nem mêtê sac ñalôm

akwa-nga su ginnga. <sup>12</sup> Busanngu nan mac alin, nan pin mac don am damin Kilisi, tom senhuhun mac awhin in, ma Anoto un mac sa awhin in. Gen dau nandô sa tu mac akên whin Anoto, nan un Kilisi dau sa akên lau batê-nga, nan ndê naclai.

<sup>13</sup> Mun-nga, mac ambo atom lau batê tu mac nem sac-nga, ma tu mac asap metê nalom akwa-nga don napan-nga. Tigen Anoto suc mac nem sac hon kwi, ma kom mac ati lau ambo tamli tiyham-nga awhin Kilisi. <sup>14</sup> Tu yac tangili Anoto ndê yomsu-nga, dec yac datom lau nan si bapia top-nga yec, ma datom dom bu dandic top dau, dec tac waê bu datap matoc sa. Magoc Anoto koc bapia top-nga dau su yec yac, ma gic pi a gicso dau whin Kilisi. <sup>15</sup> Ma Kilisi ndê mbac ndu pi a gicso dau ti len bu Anoto ku Sadañ ti ndê nalau ma naclai sac hon dulu, gitom ngac bata sin-nga nan koc nacyo si wapa sin-nga hon su, ma we nac gitom lau gapocwalô-nga bu toc asê tiawê bu nac si naclai pacndê sambuc.

### *Yom pi nagolin nom-nga*

<sup>16</sup> Tu dinañ-nga dec lau natô bu senngolin yom pi mac tu gen nan an ti anom-nga, me tu om nan lau selic tom wake me ayô me yala-ng a, me tu bec Sabat-nga, nan angô nac si yom dom. <sup>17</sup> Bu gen hon dinañ gitom gen nagatu nambwa nan dalic mun su, ma tinambu nandô men hoc asê. Ma nandô dau, nan Kilisi. <sup>18</sup> Lau natô senkuc len nalom akwa-nga ma setoc dau sa tu nac si len sem akin Kilisi-nga. Nac sesom bu sêpu dau nandô, ma sem akin anela kêkuc gen natô nan

sêyêc mbê ma sêlic. Lau kainɔɔ dinanɔɔ b u sêpu mac ma sêsôm bu mac nem a kêɔɔ whinɔɔ inɔɔ gêɔɔ ɔɔnandô mbasi-ɔɔga, dec akôc ɔɔac si yom sa dom. <sup>19</sup> Bu lau kainɔɔ dinanɔɔ sêsap Kilisi, nanɔɔ ti gôlôwac dabunɔɔ honɔɔ si ɔɔagôlônɔɔ, nanɔɔ dôɔɔ dom. Inɔɔ tawasê pinɔɔ yac honɔɔ dôɔɔ dapitigenɔɔ, ma gôlôwac d abunɔɔ kêsôwec ɔɔa ɔɔaclai nanɔɔ Anötö dau kêɔɔ.

<sup>20</sup> Anɔɔgô su nanɔɔ. Têɔɔ ndoc ɔɔamalac d anɔɔ mbac ndu, nanɔɔ ɔɔagôlinɔɔ ti ɔɔaclai nom-ɔɔga gêm gôlinɔɔ inɔɔ tiyham dom. Ma tu Anötö pinɔɔ mac dôɔɔ am daminɔɔ Kilisi-ɔɔga, dec tôm mac ambac ndu awhinɔɔ inɔɔ. Bocdinanɔɔ tu sake-ɔɔga mac ambo atôm lau nanɔɔ sêhêgo dau pi ɔɔagôlinɔɔ nom-ɔɔga? <sup>21</sup> Lau kainɔɔ dinanɔɔ sic yao gêɔɔ tidau-tidau ma sêsôm bocdec bu, “Akôc dom, aneɔɔ ti anôm dom, ma amasec dom.” <sup>22</sup> Yom kainɔɔ dinanɔɔ kêkuc gauc ti ɔɔagôlinɔɔ nanɔɔ lau nom-ɔɔga sêndôhônɔɔ, ma hêganônɔɔ gêɔɔ têm kwahic dec-ɔɔga nanɔɔ tanɔɔ ti danôm ma gêɔɔ dau meɔɔ ginɔɔga. <sup>23</sup> Lau nanɔɔ sêsôc ɔɔagôlinɔɔ kainɔɔ dinanɔɔ ɔɔapu, nanɔɔ sêɔɔkuc gauc ɔɔamalac-ɔɔga tu lêɔɔ sênem akinɔɔ Anötö-ɔɔga ti sêɔɔgwiniɔɔ dau-ɔɔga ma lêɔɔ sêkêɔɔ wapac pi dau ɔɔamlic-ɔɔga. Sêtoc lêɔɔ dau sa gitôm lêɔɔ ti gauc atu, ma gauc gêm bu oc ndic Pômdau tandô ɔɔayham. Magoc mba. Lêɔɔ dau hêganônɔɔ gêɔɔ awê-ɔɔga ɔɔambwa, ma oc tôm dom bu nem ɔɔac si ɔɔalôm kwi e sêhu lêɔɔ ɔɔalôm ɔɔagalac-ɔɔga sinɔɔ.

### 3

#### *Kilisi ti yac neɔɔ dambo tanɔɔli ɔɔahu*

<sup>1</sup> Anötö unɔɔ mac sa awhinɔɔ Kilisi, ma kwahic dec inɔɔ ndöc Anötö ndê andô-ɔɔga yêc undambê.

Tu dinaŋ-ŋga dec asa nem lêŋ ti tamkwê gêŋ undambê-ŋga eŋ. <sup>2</sup> Gauc nem gêŋ nom-ŋga êŋlêc dom. Gauc nem gêŋ undambê-ŋga hôc gêlêc. <sup>3</sup> Bu mac ambac ndu su awhiŋ Kilisi, ma mac nem ŋahu ŋ andô ambo tamli awhiŋ Kilisi-ŋga, naŋ yêc siŋ dau yêc Anötö-ŋga. <sup>4</sup> Têŋ ndoc mac nem tamli ŋahu Kilisi dau meŋ hôc asê, naŋ Anötö oc tôc mac nem lêŋ ambo tamli-ŋga asê tiawê, ma mac oc alhac awhiŋ Kilisi ti ŋawasi atu.

### *Lêŋ ŋalôm akwa-ŋga*

<sup>5</sup> Bocdinaŋ ahu mêtê sac hoŋ naŋ meŋ akêŋ ŋalôm akwa, naŋ siŋ. Mêtê dau gitôm mac nem ŋacyo daŋ naŋ kalhac seŋ andôc tamli-ŋga ahuc, bocdinaŋ andic iŋ ndu. Mêtê kaiŋ bocdec ahu hoŋ siŋ, mêtê mockaiŋ-ŋga, mêtê ŋadômbwi, ma mêtê sac-sac ŋalôm ŋagalac-ŋga. Ma ayob daôm bu aŋkuc lau naŋ sêkêŋ awa ti wapa nom-ŋga kalhac si gauc ŋamata ŋapaŋ, naŋ dom. Bu lêŋ dau gitôm ŋac sem akiŋ anötö gwam. <sup>6</sup> Lau hoŋ naŋ sêsa lêŋ kaiŋ dinaŋ, oc sêtap Anötö ndê atac ŋandê sa. <sup>7</sup> Muŋ-ŋga, mac daôm akôc gauc tôm ŋac lau dinaŋ sêkôc, ma aŋkuc ŋac si mêtê sac. <sup>8</sup> Magoc kwahic dec ahu mêtê sac hoŋ siŋ. Atac ŋandê têŋ lau me alic ŋac sac dom, ŋalôm li sa dom, ma ayob nem whamsuŋ bu asôm yom sac-sac apu lau-ŋga ti yom mayaŋ-ŋga dom. <sup>9</sup> Ma asôm yom tasaŋ têŋ nem asidôwai dom. Gauc nem bu mac ahu lêŋ ŋalôm akwa-ŋga siŋ su, dec akôm mêtê kaiŋ dinaŋ tiyham dom. <sup>10</sup> Ma asa nem lêŋ ti ŋalôm wakuc. Bu Anötö, naŋ kêmasaŋ ŋamalac bu sênem iŋ aŋgô

sêmbô nom, nanj gêm gwelenj pi mac mbo, tu bu mac atiwakuc, ma tu bu mac anjalê inj ti ndê lêng gitênj tidônj. <sup>11</sup> Ma yac lau nanj dasa lêng wakuc dinanj, nanj dahêgo daunj tu yac nenj njahu nom-njga tiyham dom. Yac bu lau Grik me lau Israel-njga, gai me lau anjgô batac, lau nanj tanjuc pwac sêsê njamlic-njga me tanjuc dom, lau akinj njambwa me lau nanj dau sêmbô si gêng, nanj Anötö gauc gêm lêng honj dinanj njadanj hôc gêlêc su dom. Gêng tigenj nanj gêng atu têng inj, nanj Kilisi pinj yac honj dônj dati inj ndê.

### *Lêng njalôm wakuc-njga*

<sup>12</sup> Anötö tac whinj mac ma kêyalinj mac sa ati inj ndê lau dabunj. Tu dinanj-njga dec asap mêtê njayham bocdec dônj gitôm mac asôc ti nem njakwê. Tamwalô lau ma atac apu njac ti nem njalôm sambuc, anjgwininj daôm, asa lêng malô, ma akôc nem njalôm dônj. <sup>13</sup> Asa nanj ndê asidôwa kôm sac têng inj, nanj kôc ndê njalôm dônj bu hôc njawapac dau, ma suc inj ndê sac kwi. Asuc sac nanj asidôwai sêkôm têng mac nanj kwi, tôm Pômdau dau suc mac nem kwi. <sup>14</sup> Ma asap mêtê atac whinj-njga dônj, bu mêtê dau pinj mêtê njayham-njayham honj dônj sêpitigenj. <sup>15</sup> Kilisi ndê yom malô nem gôlinj mac nem njalôm. Bu Anötö kêgalêm mac sa bu ati gôlôwac dabunj tigenj, nanj yom malô dau pinj mac dônj. Ma anem danje Anötö njapanj. <sup>16</sup> Kilisi ndê yom njandô nem mac nem njalôm ahuc sambuc, dec kênj gauc njayham têng mac bu anem la ti andôhônj têng daôm. Anem wê yêc Buku Wê-njga, ti wê dabunj ma wê njatô nanj Njalau Dabunj kênj têng mac, bu

ampin Anötö ma anem danje in ti nem njalôm sambuc. <sup>17</sup> Gêñ hon nan mac akôm ti yom hon nan asôm, nan akôm tu Pômdau Yisu ndê ñaê-nga. Ma anem danje Daman Anötö tu Kilisi-nga.

*Damba ti dindai ma balêkoc si ñagôlin ñatô*

<sup>18</sup> Mac lauwhê, asôc nem ngaci ñapu, bu lêñ dinañ gic waê lauwhê nan sêkêñ whin Kilisi. <sup>19</sup> Ma mac laungac, atac whin nem lauwhê ma atigasec ñac dom. <sup>20</sup> Balêkoc, mac danam wambu yom hon nan dinam ti damami sêsôm têñ mac. Bu lêñ dinañ gic Pômdau tandô ñayham. <sup>21</sup> Mac dambai, ali nem balêkoc si njalôm sa dom. Ayob ñac ñapep tu bu ñac lic ñakam sa e sêtec lêñ ñayham lec dom.

*Lau akiñ ma ñadaui si ñagôlin*

<sup>22</sup> Mac lau akiñ, asôc nem ñadaui nom-nga si yom hon ñapu. Anem akiñ tu bu mac nem ñadaui sêlic mac ñayham-nga ñambwa lec dom. Mba. Mac nem ñadaui bu sêmbo sêwhin mac me sêmbo dom, magoc akôm nem gwelen hon ñapep eñ. Anem akiñ ti nem njalôm sambuc, ma atôc asê bu mac atoc Pômdau sa. <sup>23</sup> Akôm gêñ hon ti nem njalôm sambuc eñ, gitôm mac am akiñ Pômdau, ma tôm mac am akiñ lau nom-nga tawasê dom. <sup>24</sup> Mac anyalê su bu mac am akiñ Kilisi mac nem Pômdau, ma in oc kêñ mac awêkain nem gêñ lênsêm yêc undambê ti mac nem ñagêyô ñayham. <sup>25</sup> Magoc asa nan kôm giso, nan oc tap ndê ñagêyô sa. Ma Anötö oc toc ñamalac dan sa hóc gêlêc dan dom. In oc êñsahê yac hon ña saê tigen.

## 4

<sup>1</sup> Mac ñadaui, aňyalê ñapep bu mac daôm nem Ñadau mbo undambê, ma bocdinañ ayob nem lau akiñ ñapep, ma ñaôli bocke nañ gic ñac ñawaê, nañ akêñ têtñ ñac.

### *Pol gêm la lau Kolosi-nya*

<sup>2</sup> Anem ali ma asap mêtê daten mbec-nya ti danem danje Anötö-nya dôn ñaŋga. <sup>3</sup> Ma aten mbec tu yac-nya whiñ, bu Anötö léc gatam su têtñ yac bu ahoc iñ ndê yom asê, ma bu awê yom pi Kilisi nañ muñ-nya yêc siñ dau, nañ sa tiawê. Tu Kilisi ndê yom dinañ-nya dec aö gandöc gapocwalô. <sup>4</sup> Aten mbec bu Anötö puc aö dôn bu wakôm neñ gweleñ ñapep, ma wawê yom dau sa yêc awê eñ. <sup>5</sup> Asa nem lêtñ ambo lau sêkêñ whiñ dom-nya ñalôm ti gauc eñ. Ma aňsalê lêtñ tu bu atöc Kilisi têtñ ñac tôm bêc hoñ. <sup>6</sup> Aköc gauc ñapep pi yom asôm-nya bu asôm yom êmwasiñ lau ti nem ñac sa-nya, ma aô lau si yom ñalêtñ ñayham.

### *Pol sôm bu êñkiñ Tikikus lu Onesimus sêtêtñ Kolosi sêndi*

<sup>7-8</sup> Kwahic dec aö bu wañkiñ yac neñ asidôwa ma ñgac atac whiñ-nya Tikikus têtñ mac loc. Iñ kalhac ñaŋga ma gêm akiñ Pômdau whiñ aö. Aö wañkiñ iñ loc bu ndic miñ aneñ yom, ma asidôwai gameñ dindec-nya si yom hoñ têtñ mac. Ma iñ oc nem malô mac nem ñalôm. <sup>9</sup> Ma aö wañkiñ Onesimus, nañ mac nem dañ ma yac mba asidôwa atac whiñ-nya nañ kêtñ whiñ ñaŋga eñ, whiñ Tikikus têtñ mac loc. Inlu oc sêndic miñ yom gameñ dindec-nya hoñ têtñ mac.

*Pol kêṅ ndê acsalô têṅ lau ṅatô*

<sup>10</sup> A ristakus, naṅ ndöc gapocwalô whiṅ aö, naṅ kêṅ ndê acsalô têṅ mac, ma Banabas ndê têngac Mak kôm acsalô têṅ mac bocdinaṅ. Mak bu hôc asê mac, dec akôm tôṃ aö gasôm têṅ mac muṅ su, ma akôc iṅ sa. <sup>11</sup> Ma Jisas, ṅac naṅ sêsam iṅ ndê ṅaê daṅ bu Justus, naṅ kêṅ ndê acsalô têṅ mac whiṅ. ṅac lau tö dinaṅ sêṃbo sêwhiṅ aö ma sem malô aneṅ ṅalôm. ṅac lau Israel-ṅga naṅ sêkêṅ whiṅ Kilisi, ma sem gwelenṅ sêwhiṅ aö ma yac ahoc ṅawaê pi Anötö ndê gôliṅ asê. Lau Israel-ṅga daêsam sêṃbo sêwhiṅ aö dom, ṅac lau tö dinaṅ solop. <sup>12</sup> Ma Epapras, Kilisi ndê ṅac akiṅ, naṅ mac daôm nem daṅ, naṅ kêṅ ndê acsalô têṅ mac bocdinaṅ. Iṅ tôṃ béc hoṅ teṅ mbec tu mac-ṅga bu mac alhac ṅaṅga atôm lau gwalam akwa akêṅ whiṅ-ṅga, ma asa nem lêṅ hoṅ tôṃ Anötö tac whiṅ. <sup>13</sup> Aö wasôm yom ṅandô têṅ mac bu iṅ yêṃ dau su ṅandô tu mac-ṅga ṅapaṅ, ma tu lau sêkêṅ whiṅ-ṅga naṅ sêṃbo malac Laodisia ma malac Hierapolis-ṅga bocdinaṅ.

<sup>14</sup> Luk, dokta naṅ yac atac whiṅ, lu Demas sêkêṅ si acsalô têṅ mac whiṅ. <sup>15</sup> Akêṅ yac mba acsalô têṅ asidôwai Laodisia-ṅga, ma têṅ lau sêkêṅ whiṅ-ṅga naṅ sêkac sa yêc Nimpa ndê andu tu sêlic om-ṅga, ma têṅ Nimpa dau bocdinaṅ.

<sup>16</sup> Têṅ ndoc sêsam bapia dindéc têṅ mac su, naṅ akêṅ têṅ gôlôwac dabuṅ yêc Laodisia bu ṅac sêsam whiṅ. Ma bapia naṅ aö gakêṅ têṅ ṅac, naṅ sêkêṅ têṅ mac asam bocdinaṅ. <sup>17</sup> Asôm

têṅ Akipus bu sap sakin naṅ Pômdau kêṅ sip in  
amba, naṅ dôṅ, ma kôm ṅapaṅ e ndic dabin.

<sup>18</sup> Aneṅ ṅaê Pol dec, gato ṅa aö daṅ aman. Aö  
gacgeṅ gandöc gapocwalô, dec wandac mac bu  
gauc nem aö. Anötö ndê mwasin whin mac hon.

**Anötö ndê Yom Lêñsêm Wakuc**  
**Bugawac: Anötö ndê Yom Lêñsêm Wakuc New**  
**Testament**

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

---

PDF generated using Haiola and XeLaTeX on 21 Feb 2024 from source  
files dated 29 Jan 2022

1dcc5a6c-3c1e-54e8-aa77-af18a3782048